

BOSNA I HERCEGOVINA
UPRAVA ZA INDIREKTNO OPOREZIVANJE
BANJA LUKA

ODJELJENJE ZA KOMUNIKACIJE I MEĐUNARODNU SARADNJU

Broj:01/3-50-4-UP/I-84-4/21

Banja Luka, 19.01.2022. godine

Na osnovu člana 14. stav 2. Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), te člana 5.stav 1.tačka b) Pravilnika o unutrašnjoj organizaciji u Upravi za indirektno oporezivanje („Službeni glasnik BiH“, broj: 29/13) u postupku odlučivanja po zahtjevu Ivane Korajlić, izvršnog direktora Transparency International BiH, Gajeva 2, Banja Luka za pristup informacijama, Odjeljenje za komunikacije i međunarodnu saradnju, d o n o s i

RJEŠENJE

Odobrava se Ivani Korajlić, izvršnom direktoru Transparency Internationala BiH, Gajeva 2, Banja Luka pristup informacijama odnosno dostavljanje Zapisnika o kontroli broj: 04/4-1/II-17-1-UP-I-162-1/19 od 28.05.2019. sa svim prilogima.

Obrazloženje

Postupak za pristup informacijama pokrenut je po zahtjevu novinara Ivane Korajlić, izvršnog direktora Transparency International BiH, Gajeva 2, Banja Luka, koji je u Upravu za indirektno oporezivanje zaprimljen dana 20.12.2021. a kojim se traži dostavljanje Zapisnika o kontroli broj: 04/4-1/II-17-1-UP-I-162-1/19 od 28.05.2019. sa svim prilogima.

U skladu sa čl. 52. Zakona o postupku indirektnog oporezivanja („Službeni glasnik BiH“, broj 89/05 i 100/13), a s obzirom da se radi o podacima koji predstavljaju poslovnu tajnu poreskih obveznika, Uprava za indirektno oporezivanje tražene podatke ne može objaviti bilo kojoj trećoj strani bez posebnog odobrenja obveznika čiji podaci treba da se ustupe. Shodno prethodno navedenom, a na osnovu člana 7. Zakona o slobodi pristupa informacijama u Bosni i Hercegovini („Službeni glasnik BiH“, broj 28/00, 45/06, 102/09, 62/11 i 100/13), ova Uprava se aktom broj: 01/3-50-4-UP/I-84-1/21 od 21.12.2021. obratila pravnom licu RMU Kakanj d.o.o. iz Kakanja i zatražila saglasnost za objavu traženih podataka. Aktom broj: 15449/21 od 31.12.2021. pravno lice RMU Kakanj d.o.o. dostavio je pisanu saglasnost za dostavljanje traženih podataka.

Slijedom navedenih činjenica odlučeno je kao u dispozitivu Rješenja, te se uz ovo Rješenje dostavlja i ovjerena kopija Zapisnika o kontroli broj: 04/4-1/II-17-1-UP-I-162-1/19 od 28.05.2019.

Pravna pouka: Protiv ovog rješenja podnosilac zahtjeva ima pravo podnošenja žalbe direktoru Uprave za indirektno oporezivanje u roku od 15 dana od dana prijema rješenja. Žalba podliježe plaćanju takse u skladu sa Zakonom o administrativnim taksama („Službeni glasnik BiH“, broj: 16/02, 19/02, 43/04, 08/06, 76/06, 76/07, 03/08, 42/08, 03/10 i 98/12). Rješenjem se upućuje podnosilac zahtjeva da ima pravo obraćanja Ombudsmenu za ljudska prava BiH, Akademika Jovana Surutke 13, 78000 Banja Luka.

Prilog: Zapisnik o kontroli

Dostaviti:

1. Transparency International, Gajeva 2, Banja Luka
2. Odjeljenju 01/3 2x
3. a/a



NAČELNIK ODJELJENJA
RATKO KOVAČEVIĆ